

EXAMINATIONS COUNCIL OF ZAMBIA

Examination for School Certificate Ordinary Level

Kiikaonde

3149/2

Peepala wa bubiji

Specimen

Biintu bikwaabo bikebewa:

Tumabuuku twa kuneembamo miikuumbu

Kimye: Ma awala abiji [2]

Mikaambizho ya kuloondela babeena kuneemba lweeseko:

Neemba jiizhina joobe, naambala yoobe ne naambala ya pa mpuunzha po ubeena kuneembela lweeseko mu bipeenze byaapeewa mu tumabuuku twa miikuumbu.

Uno peepala uji na bibese **bina (4)**.

Kuumbula meepuzho **oonse** aji mu uno peepala.

Uneembe miikuumbu yoobe mu tumabuuku twa miikuumbu to waapeewa.

Umvwe miikuumbu yoobe ya kolomona tu mabuuku twaavula, kyaawaama kulamaankanya tumabuuku toobe toonse pamo.

Utaange miikaambizho ya neembewa kubushiiya bwa uno peepala pamo na meepuzho.

Lubuulaañano lwa babeena kuneemba lweeseko:

Buvule bwa tukato bwaapaanyiwa mu tuzhiko [] kuunsa ya kipeepala pa jiipuzho ne jiipuzho.

Malaamya kechi aaswiishiwa mo mubeena kuneembela mpeso ine.

zedpastpapers.com

Kuumbula meepuzho onse aapaanyiwa.

- 1 Leenga **biintu** kufuma ku bino **byuubilo**.

Kimweesho:

Jila → njijilo

A lala → [2]

B Leenga → [2]

C Buuka → [2]

- 2 Neemba **bibweeluluzhi** bya kuswañanya mu bino bipelu.

Kimweesho:

Byo baayishileenga lubilo, naamba beetunaangijileengatu, boonse bayiyatu kupona **kayu-kayu**.

A Paanyuma ya kweenda museke waaalepa muungye, twaamweenekotu ke ku musaanza waayuula meema [2]

B Byo twaabuukile ne kulupuka paangye, twaamweenekotu ke bwiishi; nzubo ya baankaambo yibeen kupya. [2]

C Byo baamukwaachijile mu nzubo ya beene, baamupumine kyaakuuba ne bivwaalo [2]

- 3 **Saantaula** bino byaambo mwaayiila **bibese bya ñaambo**.

Kimweesho:

Bundeengamaambo → Bu-ndeenga-maambo.

A Kuyimbila → [2]

B Kungegezhezha → [2]

C Kulaajisha → [2]

- 4 Neembulula bino byaambo kufumya mu **nshiinkamik** mu **kyuubilwa**.

Kimweesho:

Bainanji amba, "Pa kubweela useende nkasooobe."

zedpastpapers.com

Teendeka: Bainanji baamwaambijiile amba pa kukabweela akaseende nkasaanji."

A "Kyaamutaanga waafuma mu kipateela," mwiisho yaanji wiitu buula.

Teendeka: Mwiisho yaanji [2]

B "Muunda mwaakola," Nkoomba waabuula baainanji.

Teendeka: Nkoomba..... [2]

- C "Naangwa waaya kataataakatu akabweele," byo bya amba baankaambo yaanji.

Teendeka: Baankaambo yaanji [2]

- 5 Neemba **byaabeemba** bya bino byaambo.

Kimweesho:

Kupunama → Kukosama

A Kapunyi → [2]

B Kutala → [2]

C Muungye → [2]

KIBESE KYA BUBIJI: NGIPIPISHILO

[TUKATO 20]

Taanga jino jiishimikila ne kuneemba ngipipishilo ya byaambo makumi ataanu na asatu (80) pa byo baasalaanga ba Kadamweene ne miingilo yaabo.

Kyubilo kya kunoonka bazha kyaatatwiile kala mu Buukaonde ne mituundu yikwaabo mwaaya Afilika ne ntaanda yoonse ya paanshi.

Mu Nsakwa ya Bakaonde bazha bataanshi baichiwanga amba bakadamwene. Babineemanga bamo ne ba mafumu baasalangapo nduumbaana umo wa byuubilo byaawaama: Waakalakana, wiiketa kabiji wa kishiinka, mushingi ne lukookelo. Nduumbaana waayuuka kufya bya bufyaamfya byo omvwa ne byo amona mu bakuluumpe. Nduumbaana waabula kutemwa bya kulobolweela.

Auno nduumbaana ye baendanga naanji kandama-ndama koonse-koonse koobaayaanga kasa ebaseendela bipe, kutoompa pa kajo ko baaneengezhezhangha nkaambo yaanji mu kuyuuka kana kaaneengezhiwa buloongo nyi, kabiji ne kuyuuka inge kyaakuuba baamuchikilako nkaambo yaanji; mwaafwiila aye, nkaambo yaanji waapuluka. Kabiji yeenka ye uno nduumbaana ye waamonanga ne kumona amba nzubo ya bweenyi mwa kulaala nkaambo yaanji yaaneengezhiwa buloongo. Keepo aye ayaatu na kwaanshika.

Buluunda bwaakwa mukadamweene na nkaambo yaanji bwaajitu pamo na boobwa buji pakachi ka jiisabi na meema. Naanchi naangwa paji misaambo yaaneema, kabiji ya bumfyaamfya ya baantutu bacheeche, mukadamweene waashiinkwaangapo kasa ayikala ku lukuma wa nkaambo yaanji. Baamuketekejiile maambo kechi waayuukile kupya pa kanwa ine. Umvwe nkaambo yaanji waumvwa kilaka kya fwaanka, bukiji-bukiji waayaanga na kwaapula mujilo. Ino yo yaajinga nteendekelo ya buzha mu Buukaonde.

Ko kyaakayaanga, mashiinda ne ene maambo a kwiikeelamo na bazha asoombelwe. Tuunkutala ne baankope baatendekelo kutaanyiwa mu musaango mukwaabo wa buzha. Uno musaango wa buzha pano waaji wa kwiikebela; kwiiteeka abo beene ku bibiinda

bikataampe bya puumpulaanga baanyama naangwa baanjimi baayuuzhanga byooloma uba noobe babeena kubekya; aba baanjimi kwaatuukilaanga luonde umvwe yaakopola kala mu ntaanda. Baantu ba uno mutuundu kechi baalamiwaanga butotwe ine; beebeengijishanga mwiingilo wa kashi mu jiino na maambo a kajo kaabeene ko baatuukaanga. Naanchi buunkutala ne bukope bwaabo bo bwiibaleengelaanga kunoonkewa buzha bwa mu buunshekeneende, bwa kubula kuyuuka abo beene amba beevuumbika mu buzha ine.

Jiishiinda jikwaabo jayishile kusoombewa mwa kunoonkela bazha ke buluunda ne kisela kya kufuta maambo. Mu kumweesha paapela butemwe pakachi ka buluunda bwaabo, bamo baashikulaanga mwiipwa naangwa muzha waanji waamupaana ku muluunda naanji. Pano naangwa byoonkaabyo, aba bo baapaanaanga kechi baayuukangapo amba baampaana mu buzha ine; maambo beeba bulaangatu amba 'yaanga ne baankaambo yoobe.' Kabiji aba beebaseendaanga naabo baakebalamaangatu buloongo kabiji ne kwiibajiisha buloongo. Kabiji kisemi kimo umvwe kyaleenga maambo ku kikwaabo paikalanga kupiingulwa kupaana buta pasu, kufutako muuntu naangwa byoonse bibiji.

Jiishiinda jaakijile kutama ja kunoonkelamo bazha baalupoto ke jooja jaasombe baamafumu ja kwiituula bulemo. Bufumu bumo bwaaneengezhaanga nzhitu ya kuya na kulalaankanya ntaanda pa mabiinda na kukatuula nzhitu bufumu bukwaabo. Pano paamweekaanga biintu bisatu ku booba bo baalukukaanga. Bamo baanyemaanga ke bipuluka, bakwaabo baatapiwaanga ne bakwaabo baakwachiwaanga buzha.

KIBESE KYA BUSATU: NTUUNTULWIILO

[TUKATU 20]

Tuuntulula kino kibaaba kufumya mu kizuungu kutwaala mu Kiikaonde.

Water-borne diseases are caused by drinking water contaminated with human faeces, urine and other germs.

Most water-borne diseases affect the digestive system, especially the intestines. Some of these diseases are dysentery and diarrhea. The germs of these diseases are released from the body when the infected person defecates or urinates in water or on the ground. When it rains, these faeces are carried into rivers by running water.

If people drink such water without boiling or treating it in any way, they too get infected.

Water-borne diseases are also spread through water sources contaminated by waste from latrines. This is particularly so where the water source is close to pit latrines.

It is therefore, advisable that before drinking water from any source, boil it or add chlorine to make it safe for drinking.

Meepuzho

Taanga jino jiishimikila ne kubuumbula meepuzho aaloondelaapo.

- 1 Mu milaanguluko yoobe Kilukutu waaji mungye na kuuba ka? [2]
A Na kusoonsola nyama
B Waajitu pa lweendo lwa bupeempu
C Kukeba kuyuuka baaji bushiia bwa kyuulu
D Kukeba kupulusha baloongo baanji
- 2 Kika kyaaleengejiile Kilukutu kubasama? [2]
A Waamweene Mushala ne baantu baanji
B Waamweene bwiishi bushiia bwa kyuulu
C Waumvwiine mawi amba kaampe baageemu
D Waumvwiine jiiwi jaakwa Mushala
- 3 Mwaayila jiishimikila, peeulu ya kyuulu Kilukutu muunshi ya kyuulu
waamweenemo mituundu ibiji ya baantu, [2]
A bafiita ne batooka.
B baakaswa ne baabulwa kukaswa.
C baajiingapo ne baabujileepo.
D baaji na bikoza ne baabula bikoza.
- 4 Mukaambwe waakwa Kilukutu ye baakwaachile kwi Mushala waaji nanyi? [2]
A Kisoompe
B Gondwe
C Joisi
D Mwanaute
- 5 Nanyi bwiipuzho bwiipwizhe Kilukutu pa kumona baantu baji mu ntaambo? [2]
A Baañanyi baakwaata baloongo baami, kabiji babeena kwiibatwaala kweepi.
B Mushala ne baantu baaji baayiye byeepi muno?
C Naanchi mambo ka baantu kyo baamulekela biibye Mushala?
D Maambo ka Mushala kyo eekeela kwaalepa na baantu baanji?
- 6 Mushala ne baantu baanji baayiileenga pi? [2]
A Muungye
B Ku muzhi
C Ku nkoondo na balwaanyi
D Ku Muloombwaanshiinka

zedpastpapers.com

- 7 Baantu boonse bo baakwaachile baajiinga baanga? [2]
 A 4
 B 5
 C 6
 D 7
- 8 Saajeenti Goondwe ne Kopolo Mwaanaute baayiile pi? [2]
 A Ku meema
 B Mu nkunyi
 C Baataangijileepo
 D Baaloondeejileenga
- 9 Mwaayiila jiishimikila, baantu baanga baepwiile 'bweema bwa muuntu waabujile mu jibumba jaakwa Mushala? [2]
 A Umo
 B Babiji
 C Basatu
 D Bataanu
- 10 Nanyi mutwe waafwaayinwa jino jiishimikila? [2]
 A Biinkuunka bya muungye
 B Teela Ntaambo Shiinkishaako
 C Kupuluka kwi Mushala
 D Mushala ne Baantu Baanji
- 11 Maambo ka pa bukaji bwaakwa Kilukutu paapiingakeejiile mooyo? [2]
- 12 Mwaayiila jiishimikila, Mushala waajiinga [2]
- 13 Mu ñaambilo yaakwa Mushala, '**ba kabwa baakwa Kaunda**' baaji baañanyi? [2]
- 14 Mwaayiila jiishimikila Mushala waajiinga ndamakyaalo. **Kiine** nyi anyi **Bubela**. [2]
- 15 Kika kyaamuleengeejiile Kilukutu kukaankalwa kunyeema pa kyuulu po aafyaamine? [2]

Mpelo

zedpastpapers.com